

Kimochi - Mumuyo Shida Mreho - SW Intro Scriptures

Luka 17:5 Wasu walya wakambia, “Mndumii, luengerie pfinya yeidikia Ruwa.”

WaRoma 10:17 Kyasia wuidiki nyi wokeamtso nyi ndumi, indi ndumi nyi ikurye na idedo iya Kristo.

Luka 11:1 Kukashika ili limu awei handu kechiterewa Ruwa, amhutsia, umu o walya wa kiloshionyi kyake kambia, “Hoi Mndumii, luloshe-wo iterewa Ruwa, chando na Yohane alewelosha walya wa kiloshionyi kyake.”

1 Timoteo 2:1-4 Wulalu ngam tutuma kisongoe shose ke muterewe Ruwa muwe mochimbikya matu matu na ikukumba ndenyi tsake muimwaana. Muwike mudo mochiterewia wandu wose. 2 Muweterewia wamangi na wanene wose kundu moo fodu fudamie necha fui na olele wyoo fo wutechi na wusalari. 3 Ikyo kii kicha kyeidikya ipfo ko Ruwa mkiri odu. 4 Ichu akundi ke wandu washikekiro wose, kii lohi kilya kiwewatambahalukya.

Luka 22:31 Kyasia kahamba, “Simon, oo Simon, keambuya, Satan nyi amkundi nyi namuwitite chando mokeela ngano.

Sakaria 3:1,2 - Yuda 1:9 Indi o Mikaeli msu chu ang'anyi ilindi aleloyana na Satana wechikapanya-ho mnying'a fo Mose ma alekarya imkumbya satana mdumbuye echimrumapfo kya indi alehamba. Mndumii nakudedye.

WaEfeso 6:12 Kipfa ngapano iya ikeri yadu ilai yekapana na wawode samu na nyama, indi nyi yekapana na waapfinya na weduo shida na waitori weitorya wuyana wo meema ifu na mumuyo ya wumbafu ikeri shi ya ruwehu.

WaEfeso 6:10,11 Kya shingi shose mukuwanzye Mndumii-hu na wunene-hu wo pfinya tsake. 11 Raenyi shisha sha Ruwa, kundu muidime ilema mtambo njiwicho yetengeta ya mkumbi ulya.

WaEfeso 6:13-17 Nkyo kimaduma murae shisha sha Ruwa shose, kundu muidime ikuhoda mkonu fulya fo kiwi, mukamaa iinutsya shose mukie-ho mochihoroka. 14 Horokyenyi wulalu mukupfungie kiilohi kitsinyi na kilya kii lohi, muree wusumhantso kiringa kipeta. 15 Mukae mui wawikye shadu sha kiteteryo kya mwongoye fo Ndumi ya Sia ya okiio fuende oforo. 16 Ngosera ya ishi shose muwade ngao ya wuidiki ii na pfinya yerumisha mfi ya ichu Mbicho yose, iya irie modo fokora mba. 17 Muwade na kiringa mdo kikeri okiio, muwewada oshu lo Mumuyo Mwele, nyilyo idedo iya Ruwa.

WaEbri 4:12 Kipfa dedo lya Ruwa lirie moo lii na pfinya lii liohi kota oryo oshu lulie kuwi, lii soka itana lyapara mrima na mumuyo na mawungo na moongo liileelia mahio na macha hakeri ngoonyi.

Luka 4:8 Yesu kahaluo kambia, "Nyi kii kirehie, nyii ochipfiria Ruwa Mndumii opfo ndi nomterewe, na imhidia nowemhidia o amonyi tupu!"

WaEfeso 6:18 Terewenyi orio kiheri mutaramo nyi Ruwa na shifuhyo sha oryo mbari yose, mochiterewa kiheri kyose muwodo nyi Mumuyo, Laenyi chowe mochiterewya wandu wa Ruwa wose kui matumatu na yomba.

1 Samueli 17:45-47 - Dawidi & Goliath

Luka 10:17-20 Wasoro walya makumi mafungade wakawuya wai wachihiyi, wakahamba, "Mndumii, kui rina lyapfo, warufu wawicho na waleluicho, nyi wai wawike shi yadu." 18 Nao kawavia, "Nyi njilewona Satan kechioloka ruwehu cha mbawa. 19 Kyasia na inyi nyi njimwinengie pfinya yechumia njoka na shisuwa na ya orio pfinya yose ya mkituwa, ma kuipfo kindo ma kida ma kida kechimukapapfo! 20 Kya kake mulawone mochichihio ili mumuyo mbicho imbike shi yanu ikamuicho; indi chihionyi kya ili marina hanu hamarehie kulya ruwehu."

2 WaKorinto 10:3-5 Kyamba ichumia luichumia na mbihu indi lulakapana shida ya mbari ya mbihu. 4 Kyamba shisha sha ngapano yadu shilakeri sha kiwandu, kya indi shii-shiwikye pfinya nyi Ruwa yewunduo mri mikare lochiwunduo mloshye ya kiwandu. 5 Luwewunduo na oryo tunja yekuirya wurango wo Ruwa, lochilara na mhie yose iwe yechihendelya Kristo.

2 Timoteo 1:7 Kipfa Mumuyo luleinengo nyi Ruwa chi folutana waowu-pfo; kya indi, nyi fo pfinya na makundie na osare.

Matayo 12:28,29 Na inyi kokoya nyi Mumuyo o Ruwa nyefuna nao mrifu mbicho, aiwung'u wumangi wo Ruwa womidima imuchea. 29 Ang'u ipfo mba ko mapfinya, njii wuda mndu echida napfo na iduo-pfo nzohora tsake na pfinya, kulawode nyi echiwoka ipfunga mafinya cho? Lyondi echiiduo shindo sha kulya mba koke.

WaEfeso 1:13 Nanyo-da ili muleicho idedo lya kii lohi lya ndumi ya sia ya okiio lonu mlemewidikia na ikuwada nao, na ipfo koke muwepfindihisyo nanyo kui kisumbo kya Mumuyo Mwele ichu awemterio.

Mawuto 19:6 Nalyo ili indi Paulo alewahekya awoko Mumuyo Mwele kawachea wakawoka ideda na njolimi njihya na ihamba shisuku.

Marko 16:15-18 Kawavia, "Kehendenyi wuyana kose, muongoye-pfo Mbonyi tso tsa Sia ko orio mndu. 16 Msa aidikye kapatiso, nechikiro, msa alaidikye, echiwonyo owingo. 17 Na shiringishyo sheimya iwo waidikye nyi shikeri shii-le, nyi kui rina lyako wefuna nalyo warufu wawicho, na ideda kui mdedie mhya. 18 Na mawoko hawo wechiira

naho njoka, wakanyo kindo kyewaha kyechiwawutia ma kindopfo; walya wai mtengeri, wechiwahekyo mawoko, nawo nyi wechisambuka.”

1 Yohane 1:9 Indi lukatocha manyamaro hadu o Ruwa ai mhendeli asumhany nechiluhorya manyamaro-ha na ilusanja hando hose lufanyi. Shiimbo 109:17 - Yakobo 3:10 Nyi ipfo dumbunyi ili limu-ho kukuwukye-ho ona na oseso. Wanawawama wako, isho chi kisumhanyi shihendeke shidopfo.

Mdumbuye 16:16 - 2 Petro 2:7,8 Ruwa nalekira na Loti ulya asumhanyi awei-mrohie adi nyi mhendekye fo walemeshi walya fuwei fo melu-melu. 8 Kyamba Loti nawei kiidi kyawo, na kafoi mrima fokye fukasukio mnu kya mawuto halya hawo mawicho, halachihianyi na Ruwa. Sho shiwekeri itura mrima foke fusumhanyi.

WaEfeso 4:26 Mukadoso nyashi manya mulawute kya wunyamari. Mulalekie mnengeri fuolokyе mukuwode na okuchukuchu.

WaRoma 14:12 Kikawa kido oryo mndu odu nyi echikaa nahorokye kii kyake o amonyi ipfo oshungunyi lo Ruwa.

1 Yohane 2:23 Oryo ose mokana Mana ma akuwode na Wandepfo. Mokihamba Mana nyio na Wande akuwode nao.

Yohane 14:6 Adi Yesu kahamba, “Inyi nyiyo njia, lohi na moo. Ma kwipfo msa echishika ko Wande alashitso nyi inyipfo.

Matayo 11:28-30 Kekucheenyi na koko nyo, mukeri iwina muwei walemye nyi marjo malemeri; na inyi njimuwihiye moo. 29 Kekudikenyi ngada njioke nyi inyi muche kuloshyo nyi inyi! Kyamba inyi nyi mhoo njikeri na mokunyinyira kui mrima. Naho mochiwona koonyonya ko mrima yanu. 30 Nyi ili ngada njioke nyi inyi nyi nyioloru na irio lyako likaanguo.”

2 WaKorinto 6:2 Kyamba ahambye, Nyi kiheri kichihianyi ngamekuadanya, nyi mkonu fo okiio ngawekuekanya; ambuya wulalu kiheri kichihianyi na kamu kiipfo, ambuya wulalu mkonu fo okiio fuipfo.

WaRoma 10:13 Kyamba Maledo Maele hahambie “Oryo mndu echiterewa kui rina lya Mndumii nyi echikiro.”

Exodus 20:5 - sin cursed to 3 & 4 generations